

华阴县志

第一函
第九册

華陰縣志卷一

封域 沿革

唐虞

華屬雍州

黑水西河惟雍州

尙書禹貢

西傾朱圉鳥鼠至於太華

尙書禹貢

導河積石至於龍門南至於華陰

尙書禹貢

按府志華有虞氏爲豫州之域此引通鑑注文也當從禹貢爲是

夏

華屬雍州

殷

定屬雍州

定國商後渭水南有定城 路史

周

華屬豫州

河南曰豫州其山鎮曰華山 注 卽華陰之華山連延東出故屬

豫州

周禮職方氏

子夏老於西河之上 注 西河龍門至華陰之地

禮記檀弓

晉河外

晉惠公賂秦以河外列城五東盡虢略南及華山

左傳 於是

秦始征晉河東置官司焉注此卽惠公許賂秦以河外列

城五之地至是始歸之秦也左傳

魏陰晉

文侯三十六年秦侵我陰晉史記魏世家

肅侯二年與魏惠王遇於陰晉史記趙世家

古雍州兼得魏趙之交注漢之高陵以東今馮翊之南境

華陰之東境也宜屬魏通典

華陰分秦晉之界邊晉之西則曰陰晉續通典

華陰縣在州東六十里縣東南五里有古城卽六國時陰

晉也寰宇記

秦

甯秦隸內史

惠文君六年魏納陰晉陰晉更名甯秦

史記秦本紀

秦惠王六年魏納陰晉

正義

周顯王三十七年魏以陰晉爲和於秦

通鑑

陰晉地里志華州華陰縣春秋魏陰晉也秦惠文王改名甯秦

通覽

秦始皇并天下分置三十六郡各領縣縣萬戶以上爲令減萬戶爲長郡置一守一丞兩尉以典之內史郡統京畿內縣四

十一

輿地志

古雍州始皇置四十郡此爲內史注今京兆華陰馮翊扶風汧

陽新平等郡是通典

漢

華陰縣隸左內史部京兆尹左馮翊

寧秦漢高帝八年更名華陰漢書地理志

漢改華陰以在華山之陰故名寰宇記

船司空縣

地理志渭水東至船司空入河服虔曰縣名都官三輔黃

圖有船庫官後改爲縣水經注

京兆尹縣船司空王莽改爲船利服虔注曰縣名顏師古

注本主船之官因以爲縣

漢書地理志

漢書縣多異名船司空注主船之官因以爲縣屬京兆尹

琅邪代

醉編

後漢

華陰縣隸司隸部宏農郡

華陰故屬京兆

郡國志

船司空縣

建安十八年復禹貢九州省司隸校尉以併於雍州京兆

尹所領省船司空入華陰

獻帝春秋

船司空後省入華陰

通志

船司空故縣在華陰東北十五里

通典

魏

華陰縣隸司州恆農郡

晉

華陰縣隸司州宏農郡

宏農郡華陰華山在縣南

晉書地理志

東漢屬宏農郡晉因之

賈志

華山郡晉分宏農之華陰京兆之鄭馮翊之夏陽置

通鑑

晉志無華山郡未詳所屬今增入領縣二鄭華陰

同州府志

元魏

華陰縣隸雍州部屬華山郡

太平眞君元年置華山郡孝昌二年改爲東雍州

實宇記

京兆鄭後魏置東雍州並華山郡西魏改曰華州

隋書地理志

定城縣隸華山郡

在華陰東十里按志定城縣置於永熙三年

孝武西奔之年

今華

陰定城驛是西魏廢

賈志

敷西縣隸華山郡

符堅姚萇時有敷西縣尋省在華陰縣西南

述征記

敷西城

在縣西三十里卽唐之敷水驛

舊志

按魏書地形志華山郡敷西縣太和十一年分夏陽置有武平坊高平城查夏陽在郃陽縣東北與華陰相距幾二百里其云

分夏陽置

未之詳也

又按府志西魏廢帝三年改後魏華陰縣爲武鄉縣於縣治置武鄉郡卽臨晉縣地又云隋開皇初改西魏武鄉爲馮翊縣在

今同
州地

後周

華陰縣隸華州華山郡

或作華陰郡周書韋孝寬行華陰郡事

府舊志

因西魏華山郡移

於鄭縣西南領鄭華陰二縣

府新志

按唐書地理志華州華陰郡義寧元年析京兆郡之鄭華陰置又按後魏華陰僑置同州界西魏始還舊治後周因之

隋

華陰縣隸京兆郡

華陰縣西至華州六十五里大業五年移於今理

元和志

唐

華陰縣隸關內道華州

華州華陰郡華陰垂拱元年更名仙掌神龍元年復曰華陰上

元二年曰太陰寶應元年復故名

唐書地理志

古雍州大唐分置十五部此爲京畿注京兆府華陰馮翊扶風

新平等郡通典

按唐初沿周隋之置縣屬華陰郡迨後郡迭改爲州爲府光化三年復爲華州而縣亦改隸焉

潼津縣

在潼關縣西唐置

明一統志

天授二年析華陰置潼津縣於關

口長安中廢

舊唐書地理志

廢潼津縣唐則天割仙掌縣置屬虢

州聖歷二年割虢州潼津縣入太陰神龍三年廢

實字潼記

關城內有潼津橋蓋以故縣而名後廢爲關西驛

衛志

五代

華陰縣

梁隸威化軍

一作大安軍

唐隸鎮國軍

一作祐國軍

晉隸晉昌軍

漢隸永興軍

周隸定國軍

宋

華陰縣隸永興路華州

一曰永興軍

華州領華陰縣

宋史地理志

按華州志華州天禧間爲鎮國軍同州建置表建隆中置鎮國軍天聖二年改鎮潼軍以同州蒲城來屬皇祐改華州華陰郡領鄭下邦蒲城華陰渭南五縣

金

華陰縣屬京兆路金安軍宋華陰金仍舊

續通考

元

華陰縣隸陝西行中書省奉元路

屬華州

按華州志元復華州後以鄭縣省入屬奉元路領華陰渭南蒲城三縣

明

華陰縣隸陝西布政使司西安府屬華州

華陰元屬華州明因之

西安府志

皇朝

華陰縣隸陝西西安布政司同州府


初隸西安府雍正三年華州改爲直隸華陰遂屬華州十三年同州陞府歸於同州府治

五
主
三
平
縣
州
知
府
官
廳
在
此
縣
城
中
心
地
方
廣
闊
土
地
肥
沃
人
口
眾
多
物
產
豐
隆
商
賈
雲
集
為
一
帶
之
首
府
也

六
主
三
平
縣
州
知
府
官
廳
在
此
縣
城
中
心
地
方
廣
闊
土
地
肥
沃
人
口
眾
多
物
產
豐
隆
商
賈
雲
集
為
一
帶
之
首
府
也

七
主
三
平
縣
州
知
府
官
廳
在
此
縣
城
中
心
地
方
廣
闊
土
地
肥
沃
人
口
眾
多
物
產
豐
隆
商
賈
雲
集
為
一
帶
之
首
府
也

星分東井圖



按史書天文志井星垣中軍市十三星歷代皆然唯明史天文志載崇正初禮部尙書徐光啓上見界星圖以爲回廊成所載有前後易次古多今少者如井宿中軍市十三星今五是也

由是星象家繪列星圖宗之不易茲亦照依云

隋丹元子王希明步天歌井星

八星橫列河中靜一星名鉞井邊安兩河各三南北正天樽三星井上頭罇上橫列五諸侯侯上北河西積水欲覓積薪東畔是鉞下四星名水府水位東邊四星序四瀆橫列南河裏南河下頭是軍市軍市團圓十三星中有一個野鷄精孫子丈人市下列各立兩星從東說闕邱兩星南河東邱下一狼光蓬茸左畔九箇彎弧弓一矢擬射頑狼胸有箇老人南極中春秋出入壽無窮